

補

勤

詩

存

補勤詩存卷之二十

山陰 陳錦 晝卿

柳雪閒情 辛未

辛未二月之杪于役江南乘楂結筏由邗淮沂泗
溯濟達河自春徂冬寒暑一閱迨返平陵則雨雪
載塗矣倒篋出詩得句獨少續以次年所作乃成
一卷

岱雲

萬樹漸欲溼封中雲起時天光盈尺近峰影百重
界暝無色上方晴不知能爲天下雨何故出山遲

羊流店過羊叔子祠堂

秦安南
九十里

輕裘緩帶事心攻儒將風流迥不同醉死江東兵百萬
酖人畢竟是羊公

蒙陰山石

鎮日車行亂石中雷霆聲裏過東蒙陂陁漸引雙輪上
絕頂能令隻騎通誰與乾坤消礪硯故教身世耐磨礪
從來山面如人面一樣巉巖總不同

出峽風雲怒陡臺縣崖欲墮勢如奔補天零落餘星點
捲地低昂作浪痕自古難平惟世路幾人不壞似山根
輪蹄消盡千斤鐵卻視輪蹄鐵尙存

下邳阻雨憶丁卯三月與錢揆初過此

寒旭曠曠曉色皴二分消息杏花春初眠柳似于歸女

乍霽山如睡醒人爲問何時腰折斗可曾一夜角生輪
多情算是江南雨重上衣襟洗老塵

又向徐方載輻過明朝南浦見春波獨行風雨句留苦
不遠家山閒隔多此地與誰同立馬十年遲我一投戈
舊遊宿草驚寒暑何止劉郎鬢欲皤

宿宿遷過五花橋

舊時黃河所經

尾秃疲驢足繭嵐蓬飛轂轉抱行窠道逢寒食風先覺
春入江南雨漸多旬日走看千絲柳半生經見雨黃河
斷橋殘石當途臥卻憶驅車石上過

橋廢於咸豐初

老馬行

鞭叱交加聽一生天教健足替人行重筇鐵掌雙趺脫

痛嚼槽頭六齒平莫待黃金將骨買便歸綠野有田耕
祇今斗室團團走也抵長途一日程

三月八日題司吾

今作
峒晤

驛示吾里公車經此者

草檄橫戈百戰身長驅駟馬熟關津五陵同學應相識
二十年前獻賦人

紗籠佳句續千篇正是公車大比年濫博金貂慙一第
風雲羞蹕杏花天

結筏順清河

爲誰結筏大東行千里官河始順清寒犬吠聲聲吠犬
曉鶯嘒雨雨嘒鶯五更人語春潮動一舸長風蓬索鳴
報道頭幫船上牓大旂紅日攝銅鉦

時江北
漕船至

多事江流涌豫章星精上應析津長乘植有影橫天漢
放櫂思歸夢故鄉王木傳聞驚水驛楚材聲價重巖廊
武陵王伯尊觀道傍前度聽蛙語空費官私兩部忙先
察同赴斯役
運筏者以徇
私報罷故云

千閒廣廈素王居

時因葺曲阜聖廟採購木植

甫柏徠松自有餘此

日守株空待兔當年緣木竟求魚萬牛曳重雲生棟一
閨登程水滿渠載得梗枿宗國去有教薏苡誤明珠

寄諸友濟南

漕渠八牖計程奢預卜歸期道及瓜曲岸迴風顛柳絮
悄帆斜雨送梨花倚閭已負三年約消夏空浮一葉家
昨夜洪湖春水到估櫓爭賣六安茶

寄意二首

前高牙後大纛水驛山程行不足造物將人作馬牛達
者爲先司圉牧以之奔走人中豪牛自求芻馬求穀牛
不求芻馬不穀軒轅復生廢車軸王良造父甘徒行芟
駕高材滿山谷君不見夏后參龍烹一雌祇爲神龍病
多欲

一上上埧口再上上溜頭千尋巨繩牽行舟前有五石
瓠尊置路側後有十車薏苡沈清流一聲耶許汗萬牛
魯人三郊峙楨榦誰令斤斧遠縱衡山木筏採自漢江陂明湖
水清久無魚何期緣木偏多求千里江風吹石尤

過雙金埧

十日停舟九米開雙金古垠土半堆臨流冑道公毋渡
抱木居然水不來車斗難量楨榦器江湖休臥棟梁材
有時卻化龍飛去世上何人能剪裁

船頭春水沒椿平舵尾喧傳打纜聲猛聽橫風吹海立
坐看新漲齧隄行上灘勝過千盤嶺造飯齊鳴百杵鉦
似此庀材勤遠畧三年築室可能成

聞黃河入南旺湖有作

居庸山色何崔嵬蜿蜒度海從東來下有石骨一千里
涌出萬點金銀臺陡然起立天盡頭島中有李斯所作
秦篆曰天盡頭今
沒入海中迴看日出紅雲擡天生泰嶽有鼻祖三山一脈初
胚胎百泉自此不東下建瓴高勢由蓬萊發源萊蕪大

小汶魚貫眾派通江淮西駐諸湖爲水藏分流北去天
渠開大塊文章惡平行地缺能補天有才貫頂一泓裂
霄漢濟沅低首伏塵埃洪流對此休復上寄語河伯毋
相猜

泊桃源驛

不信桃源在眼前繞隄曾泊幾回船
檣頭燕子懷如錦花底鶯兒舌似絛
客路雲山歸路水惱人風雨損人天
青燈好比糟糠伴總角依依到百年

聽鶯

古人作詩得之心領其說多創今人作詩得之耳食
其說多因少時作鶯聲詩以百十計未嘗一日聽鶯

也十稔山居曾與閨人賦物而鵲唳雁叫感人最深
獨於鶯乎忽之桃源阻雨艤舟運隄兩岸高阜相望
右方對而左聯村樹杪隱隱出隄上予方小病孤舟
閒寂微聞藥香細澍迷茫百羽鉗喙惟鶯聲遠出一
二里茂樹閒極意嬌嚙連日不絕若惟恐伎之不盡
人之不聞者始覺予今日乃聽鶯也作聽鶯詩二首
十里風吹載好音片帆斜雨隔芳林縉蠻一賦傷行役
想見詩人體物心
百轉千呼望畫樓逢人一揅試纖喉可憐萬耳填歌吹
不道笙簧在樹頭

風簸

年穀既登築場露積揚之
風中康覈自去是爲風簸

濁世秣糠付太空區分良莠仗天公簸揚不借南箕舌
便是南箕也好風

相牛

以牛赴耕謳吟道之收縱
應聲如春有相是爲相牛

如歌似嘯雜田謳不相鄰春便相牛那得烏犍偏解語
介盧僊去咒王愁

磨驢

徐人轉磨
每多用驢

町疃場空碌碡移團團環走蹇驢疲可堪櫪馬從旁笑
老禿於今亦數奇

阜河

漁村農舍結新莊古蔓荒煙賸女牆驛路千年消過客
東風終古織垂楊牛羊漸入維魚夢鴈犬初空逐鹿場

此地將軍曾駐馬居民爭識翰林郎

謂劉仲良學士

鄒湖權歌

斜陽十丈繫鰲鰲蒲葦青青織緒風最是湖鄉秋意早
荷花生日賣蓮蓬

破浪孤帆趁落霞
剪波雙槳盪寒葭
漁舟不怕南風惡
吹到鄒山也是家

渡微山湖泊夏鎮

湖心三日繫行舟水曠山低月上鉤
竄雨涼拋蘆葦夕
歸雷聲沸葦塘秋揚帆得意馳千鷁
結筏無端汗萬牛
此地尙縣徐孺榻十年東道在中流

伍芝孫徐海門章步雲張午泉從公

水次攜酒見過

結侶鳴榔喜有鄰夜來添漲一篙春輕儻跋浪得新水
杯酒停撓多故人時唐雲臺軍門自天津孫憩園二尹自閩海王小谷司馬自古浦皆相遇
於此蒹葭早秋嘗過客蒲菰初熟餉湖民吳飲一曲江南
路猶賸鷗鳬狎浪身

獨山湖月夜

來泊微湖獨夜舟星雲千里入新秋舉杯但覺月在手
捲幔忽驚風滿頭極目要看天盡處浮生甯與水同流
卅年浪迹渾如此人海蒼茫有片鷗

重過任城登太白樓送蔣裁庵駕部同年

作錦

奉命巡河還京師

一曲蓮亭月上遲秋風蒹葭熟南池杯中人影登樓賦

壁上鴻泥倚馬詩千里憑臨狂客老十年遷謫酒僊知
九天飛到乘楂使星宿探源返櫂時

持節河東拜水官金門奉詔肅歸輦豈容梓里偏飢溺

蔣東平州人便策梯航亦治安朝望固應推砥柱文心先已

障狂瀾小儒咋舌隨鞭鐙鄭重樽醪結墜歡

手攜玉尺去量天河洛圖書載滿船鞭石能行憑帝力

移山有志惜臣年

時因北運患河淤議引衛河由大名通東昌代黃水濟運格於眾論不果

行濟人儻許垂金臂任事終須仗鐵肩指日臨軒咨水

土莫教滄海醫桑田

姜春士自汴歸越信宿濟上同登太白樓

酒樓風露早秋天東道停驂遇謫僊握手相看驚白髮

浮身多故食青氈山中舊夢趨庭日洛下才名釋褐年

卅載離悰寒夜話可堪回首姊歸篇

謂集中哭姊詩

不盡悲歡老淚流無端聚散又扁舟

自王子相見都下至今二十年矣

幸存餘齒圖邱首笑指歸裝積杖頭百戰名心憂得馬

九京餘恨訴椎牛晨星零落懷鄉碩空隔滄桑問釣遊

時姜方歸里葬親

和同鄉任秋田學博 七律二首用元韻

世業遙承翰墨勳早從弱冠識終軍壯遊飽讀研京賦
古趣高摹禪岱文千里因人羞作吏百年令我愧無聞
風流老輩滄桑後故國才名台讓君

詞壇壁壘振江東

任浙東名下上

屈指天涯臭味中莫爲數奇

疑李廣不應才盡老文通湖山舊話多名士風雪殘年
有寓公畢竟龍門聲價在肯教白首一經窮

九日再雪

曉起睇明窗寒曦淡不滅舉手觸熏籠銅瓶孕宿熱涼
飗時一鳴彤雲凍欲裂茅龍添絮衣璚宮玉初屑風前
檐鐸暗飀滴流泉咽盆花含笑僵籬竹帶聲折行吟步
庭除埽徑迹旋沒令人憶去年征輶碾冰轍蹇足寒山
隈重裘冷如鐵

宜瑞不宜多多時良亦好玉龍下晴空元鶴戰天表隱
現見前山青痕忽已了蓬蓬樹頭春醞釀不在小銀雲
夜不流冷雨翻叢篠呼之入甕中蟹眼防茶老洗人熱

中腸愧我冬烘腦時聞佳客來空庭不可埽爲留雙屐
痕認取一鴻爪

積雪偶成

茵溷飄零一樣忙天公加意寫春光琪葩消去渾無迹
開到寒林獨久長

梅花

瘦影鶴俱立野橋流水長點點寒中春天心迴辦香霜
雪滿人閒枝頭生一陽高士臥空山草木皆芬芳明月
澹於水美人兀在旁豈無松柏性天然時世妝可憐婀娜
姿本是百鍊鋼采采孤嶼下冷豔澀衣裳自有宰相
詩更無鐵石腸

新正于役鄆州河工逸次口占贈焦雅杭司馬

駿聲 壬申

負曝歡呼襖子絛草頭春動雪融天鄉音遲到梅開後
行色嚴催柳往先逆旅如歸成習慣簡書知畏愧衰年
翹翹車乘偏多倡中有瀛洲舊謫僊

焦曾任中書舍人

平陰道上

髀肉重生擁畫輪論交馬上更無人問何事業償知己
空使才名役此身戴石童山存敗寺塵風曲隧溜腥塵
十年僮僕就征慣錯裹戎裝貼戰茵

過東阿舊縣用二十年前題壁韻

壁立忽千仞巖扉夜不扃自天飛堀堞穴地轉雷霆怒

峽驚沙白平岡亂石青人間無捷徑鈴束壯山陁

鄆城侯家林河工合龍紀事呈丁穉璜少保中丞

鄆城東南沮水經焉河入于沮決東隄侯家林民居
南漫濟甯爲運渠患河帥喬公嵩年議堵弗決期以
明年丁中丞方以疾乞假急起圖之以壬申正月赴
工督視二月二十四日工竣合龍之日隄埽驟塌壓
巨舟入水適堵金門如有神助予襄是役躬親見聞
因誌其異並述河流始末云

天險在上銀潢流地險在下龍門湫秋風一夜破瓠子
其縣湮汨伊耆憂同爲逆河注北海妣王神續千年在

灘沮假道通鬲津汶濟合流灌徒駭金隄如綫鑄長城
燕齊眾派交相迎下逮漢唐循故道海門宣洩中土平
宋室運渠因河汴轉瞬南朝陵谷變巨壑風沙翼北枯
官隄畚鍤淮東徧防川民力難久持况值名臣代謝時
日費斗金拌一浪千官鍾金糜民脂怒濤百丈裂銅瓦
重移滄海東山下豕突蘭儀鱗穴深鯨吞桑濮鳩居寡
十年旱竭格苗忙帝命平成嗟未遑頃刻洪波恣旁溢
驚見南陽湖水黃南陽湖水當孔道噴沙星牖天河倒
出峽蛟龍破浪行建瓴直下吳其沼丁公對此塵憂勞
力持忠信降波濤圖功莫畏事機迫抗疏不爲同官撓
軍書急遞檄郡縣傾國之師與水戰航金輦粟百役趨

紮土厝薪萬牛汗手移太行安中流巨網橫吞百石舟
兩岸囊沙成壁立忽聞大聲轟霹靂風迴浪息馴狂瀾
悄然洞口雲扉關巨舟最負亘水底呵禁噴濤誓不起
萬眾歡呼道合龍惟公精誠天可通賴有我躬堪砥柱
未許河伯相雌雄自此北流復神禹騁望長隄盡平土
聞風吹下九天雲龍之來兮紛如雨奇功遮莫信貪天
畢竟成城眾志堅能與蒼生共甘苦斷流何處不投鞭
飛章入告同凱奏勁旅分軍作留守風雲呵護合龍亭
勳名長並河山壽

重修曲阜孔廟落成隨撫軍祭告有作

班聯曉肅杏壇亭雲棟新輝拂鯉庭清廟尊彝蒼岱色

辟雍鐘鼓素王靈常迎禁蹕唐槐綠獨冠叢碑漢石青
同文門下有五鳳殘碑爲最古何幸小儒同執竿廷燎餘燄動春星

少皞林

百尺金天弔皇初第一林壘雲盤獨樹窈石磊高岑臥
碣冰箔紫荒祠露草深淒淒幽鳥逐松柏古成陰

周公廟

古治元公舊東周廟貌新止貪辭邵鼎誠妄勒金人間
禮推司寇歌雍惜秉鈞丹楹與刻桷奢麗莫相因

孟廟估工修葺並謁孟母斷機堂述聖祠

斷機遺訓溯三遷述聖門牆有大賢山到鄒滕含浩氣
水沿洙泗接原泉干城吾道昌黎獨時方議奏請以韓文公升入孟廟正

殿配 領袖羣才樂正先傳食深心師歷聘千年俎豆絜

文宣

哭釀雲姪

姪名昌沛予族弟秉和長子也幼從予問字少長偕遊甬滬及張秋濟甯軍次先後十餘年去夏自泰州來歸筮仕東省于役河工擢縣令才識志量漸有成就忽以瘵卒於濟南寓舍深痛惜之

本是期功強近親卜居三世作比鄰

自龍標族伯至姪三世與予家比舍

而垂簪已負成材望飲刃猶存再造身

姪曾被賊擄受刃斷食噪不死

甘苦廿年曾共我飢驅千里總依人偶膺薄宦還無祿

乍病先知不食新

以七夕毀

膝理潛縈二豎災茫茫天意不憐才腰楮日減圍三寸
肺病時斟茗一杯假寐難安支漏夜生歸有夢到泉臺
阿咸何事偏先露添得窮途老阮哀

謝庭折屐願終虛未死先成不瞑魚

病中不寐者兩月餘

黃口一

雛哀穉祔黑頭二老痛門閭昌黎反祭憐猶子宣聖傳
心慟喪予誰道憑棺翻哭汝可堪回首伏波書

輿輓何時返故鄉音容一紙向爺娘刀痕在頸瘢猶赤
硯礪填胸藥不良林下與誰栽綠竹夢中先我熟黃梁
家書和淚吳門寄寸斷空憐舐犢腸

時秉和弟客吳下

將之登州視海防不果

卅載名場汗漫遊曾經滄海見神洲可堪天地日蛙黽

漸與家山風馬牛乍挽洪波歸北海便傳飛檄指東牟
朱炎已過涼颼滿好看蓬萊閣上秋

感事詩六首

百尺高岡梧上與紅日俱遠條發大枝露葉擎盤珠昨
夜秋風惡颼然南柯枯豈惟南柯枯高梧生木狐
闕里有唐槐俯窺詩禮堂故幹病禿裸新枝抽巨秧新
枝與故幹風雨相扶將造物縱尋斧毋乃根本傷
游龍一何矯長松一何老霜風吹更青斧斤伐不倒密
葉垂文章空心見懷抱如何十畝陰不殖一莖草
大石立千尋行雲慣依附非石雲不生非雲石不雨同
爲有用材或遇或不遇大石自嶙峋行雲自來去

燕子豈無兒秋深已不乳舊時王謝堂款款來雙羽相
與憶滄桑十載其甘苦何期死生別臨風輒送汝
蛩駝負而走狼狽互相爲咄哉造化心動與人事違紅
日當中天風雲忽已隕空餘晚景晴老樹明斜暉

重九前一日鄭譜香都轉葦湖上歷下亭邀同

官會飲有作

水氣濃薰響屨廊輕舸一葉載壺觴喜無風雨鄰佳節
好有湖山似故鄉蘆花涼侵簾櫳潤菊移秋入酒筍香
南豐去後軒亭寂東道今推小孟嘗

圖畫園林映碧池雁來紅到蓼花枝桑滄幾度碑陰字
萍水千人壁上詩草澤荏苒待新刈後

時方獲捻筆張凌
云等二名伏誅

湖毗菱芡有秋時使君錯認蘇隄柳蕭寺雷峯夕照遲
雷峯夕照爲吾鄉
西湖十景之一

排闥參差數佛頭茗茗新翠又三秋不來今雨中天鶴
同人惟李采臣
康訪以疾不至
長作閒雲逐浪鷗落帽漫須凌絕頂濯
纓差許挹清流登臨卻憶去年事摩壁重題太白樓
紅樹樓臺隔岸村琴尊冠蓋日填門酒杯還認家鄉水
屐齒新留海嶽痕一席清談風月貴羣峰羅列鵲華尊
名亭自古多名士揮手休將聚散論

和濟南豫東屏太守

山龍洞佛峪紀遊元韻

海嶽秋痕指大東先鞭一著太忽忽巖泉樹積千重翠
朝市塵浮十丈紅詩酒光陰忙裏有湖山腰腳壯時同

後遊莫負停車約獨殿霜林惜晚楓

九日登高圖

昔聞吳中千人石今見歷下千佛山俯瞰鵲華起平地
小視齊魯雙彈丸萬籟無聲天日淡一層更上風雲寒
平居空挾登高願到此須知臨下難

送樂安縣令趙菁衫

國華改官治中歸豐潤

幼學無成壯求仕骭麟紅塵逐朝市一行作吏還讀書
坐使公廷譏腐儒仕學兼優不可得丈夫早歲甯家食
雷雨行天容有時麤官豈爲我輩設可堪科第誤青箱
弱冠先登黽毘場不信折腰因五斗笑顰掩面學新婦
便道鳴琴師昔賢空彈古調危孤絃操刀一割嘗雞肋

寒氈慘澹無顏色舊夢狂生翰墨花痛吟爭仗江山力
海雲千里潑東溟一炷荀香熨汗青賴有囊中藥愁物
辟人足底浮塵腥天涯知己悲尊酒月滿西齋一揮手
劇談到此甘挂冠故園遑問梅開否一肩琴鶴指京華
廉吏歸裝富五車天生此才不百里莖豆那得羈拳跼
去思碑勒琅槐樂安道戀戀寒山青不了一洗蛾眉時世
妝美人肯向琵琶老送君茲行關月明鬱林片石雙輪
輕奉身自拔出世網敢與俗吏論功名大河前橫木葉
下託故辭官求別駕解組歸田猶盛年文章陡長名山
價徐孺榻摩詰圖徐許卿太守王午橋司馬令我搔首慚非夫幾輩
讀書能有用道旁五石嗟縣瓠回頭一覽眾山小萬仞

秋高華鵲孤

趵突泉題壁

天泉胎息明湖端平地鵲起銀濤寒靈湫噴薄風雲搏
倒豎瀑布裁峰巒飛花滾雪團冰團繁星歷亂跳珠盤
颯若幽篁素瑟秋風酸朗如鈞璈廣樂吟僊鸞濟淥騰
沸生奇湍伏流千里流不乾五丁力士神雕鑽馮夷鼓
浪塵雙丸下有長龍終古蟠旁通海眼波瀾寬混混不
舍成漫汗有本皆作如是觀幾回巡輅停飛鑾臨流
作頌陪千官 璿題四壁青琅玕榮光闔澤留 宸翰
孟翰仙天女散花圖照

皇古無私家天下後世乃各家其家法王矯俗家蘭若

諸天鐘磬陳肴饌當時便苦度牒濫試人結習天花散
花不著身能幾人十方弟子都惆悵披圖忽見孟鹿門
花閒趺坐淨聞根名山寶剎渾不記但記前生作者是
緇髡金容滿月壽者相明鏡返照菩提痕現身本自應
作宰佛力無邊開殺戒留得如來甘露門筆端大有慈
航在孟習申韓學不沾沾於三尺法能活人故云選官選佛總修行坐對蓮
花度眾生布施何止給孤獨面壁手著維摩經天花自
向空中裊鬢絲搖落秋風早莫怪頭陀尙在家在家也
是飛鴻爪托鉢無心世網寬還山有願芒鞋老摩詰畫
雪中蕉島僊詩月下敲問君何日重結茅金庭洞天本
吾土天涯行腳空自勞前身同是優婆塞我亦辭官打

衲包

墮塔吟爲彭孝女作

孝女字詠春皖之懷甯人景州牧彭豫卿女也孝慧
通書史刲股療母者再母卒誓以身殉喪百日詣母
殯所開福寺佯爲禮塔酬神者登絕頂遙拜呼母自
投塔前塔高二十丈肢體無稍損惟脫雙履若或解
其絆者昇以歸尋卒肱其篋得手書立誓不移語慰
家人河間紀偉庵司馬道其事屬記以詩

匹夫矢志甘捐軀自古難能忠孝愚兒女情長輕一死
不道殉身作孝子咄哉彭女孝且賢及笄未字逾五年
終身侍母共生死一言旣出聞青天青天不改母不在

此身一粟渺滄海安得牽衣地下隨
有人聽睹爭疑駭
旁人疑駭莫敢言女心宛宛依慈萱
長此音容隔千里
毋乃晨昏虧九原
乳烏失哺號夜半
痛入肝腸憐寸斷
兩閒何用無母兒
雲天仰視精誠貫
浮圖十級慘登臨
耿耿深閨信誓心
塔影依稀在母側
塔鐘掩抑聞母音
塔尖縱體騰空下
塔神驚倒風雲詫
佛力無邊快護持
阿娘靈爽實憑之
百尺雲巔拌一擲
珠零玉碎天公惜
嘯鶯墮地帶聲飛
五銖衣袖輕如葉
百花繚亂黯春山
萬目翹瞻喚不還
端的神僊早飛去
蝶裊鴛履蛻人寰
傳聞嘖嘖驚海右
鬚眉百輩同低首
忠孝奇徽屬女貞
天心漸復滄桑後
君不見開福寺前
土花萍杜鵑嘯血

枝頭墜又不見秋風鈴語悲且鳴淒咽當年喚母聲

補勤詩存卷之二十

補勤詩存卷之二十一

山陰 陳錦 晝卿

東溟校伍錄 癸酉

歲癸酉夏四月于役東牟校閱海疆水旅駕燦幢
陟嶼嶼觀蓬萊三島日出扶桑所見天風海雲驚
濤駭浪極生平吟眺之勝作東溟校伍錄並附次
年諸作爲第二十一卷

初至登州寄徐訏卿

曾經滄海擁樓船弓挂扶桑已八年

乙丑四月從淮軍航海過蓬萊底

事三山重整旅於今疆寄重籌邊

馬上書生鬢上毛刀鐔餘夢壓驚濤射潮不用錢王弩

攜取長鞭策巨鼇

橫漢飛楂續舊遊支機片石望牽牛

名

天邊尚有秦橋

在不算人間天盡頭

成山秦橋外有李斯篆石曰天盡頭今沒入海中

扶輿有柄指東瀛重見烏輪躍浪生千里鋒車驚海若

夜潮聲滿備倭城

天橋水城明戚少保所建以備倭者

途次大瀾河淮軍滅賊處

重濠憑水建新屯倚樹爲山又一村認得南軍鏖戰地

蟲沙淘盡落潮痕

劉省三軍門會諸軍殲巨捻任在於此

萬弩齊開一水流是誰卻中罪人頭讓功不有賢都護

坐失將軍反閒謀

軍門以重賞遣降日潘貴賢反擊任杜適都統善慶手殲任杜於敵貴賢

乘閒冒功善自願讓功貴賢以成反閒爲亂賊計竟賞貴賢二萬金官都司自此賊惶惑不自安我軍屢戰益

捷東擒之不實始於此人多不知
按善故邸部騎軍將授杭州都統

登州卽事

紫荊山下萬人家
蜃戶生涯逐片楂
賣蛤儼兒跳白浪
騎驢遊女障烏紗
秋深麥隴杏初熟
潮瀝鹽池柳不華
卻道備倭稱重鎮
天橋吹落暮城笳

登蓬萊閣

海氣橫天壓夜營
沙痕齧浪暗潮生
田橫寨裏水奇綠
坡老祠邊風大鳴
百尺層臺臨絕岸
一輪寒月漲孤城
書生草檄尋常事
曾擁飛輪閣下行

送龔謫人觀察自海道歸煙臺

放眼來看天盡頭
故人先我渡瀛洲
明湖杯酒憎輕別

不道相逢是海鷗

雷轟電掣駕鰲鼉何日扶桑便挂弓王濬樓船今未下

時方添造廣艇未至天風吹起礮雲紅

殘碑古字閱人多傑閣登臨一刹那珍重摩厓添好句

紗籠留作百東坡

隋帆斜雨翦輕濤詩思重經巨浪淘隻櫂成連歸海上

水僊一曲閭風高

贈陳良弼總戎

天留名將占鼇頭百戰滄桑志未休空憶江淮同負弩

十年遲我識荊州

重新旗鼓日邊來千里風濤巨眼開我亦玉皇香案吏

故鄉先已住蓬萊

會稽劉力有蓬萊閣王龜齡作賦

蓬萊道士華封自製筇竹簫

長七尺有孔成簫刻詩其上

僊瑄清商出短筇靈璫聲裂紫雲封十年一翦勞山竹
吹作吟龍便化龍

一聲天籟下蓬壺喚出雲中雙鶴雛

二道童善歌

似此杖頭

錢莫挂好收佳句滿葫蘆

蓬萊閣觀日出

山城月黑搖晨鐘水天一抹磨青銅陡起明星大如卵
微風淡蕩颺晴空着然界破一痕白劍氣珠光恣騰擲
神龍銜燭窺天門萬里激波閃空碧壞雲擁絮何蒼蒼
靺鞨紅過袈裟黃山河倒影薄天際屋樓城市兀在旁

此時海外日已赤金烏似箭朝天射獨戀東溟躍浪難
中有銀山萬重隔須臾捧出紅半盃銅槃溜水燭火俱
島嶼雲收靜如貼輕潮點點歸宵漁我行海上八千里
俯瞰朝曦生腳底地缺東南眼界寬朱輪十丈衝波起
泰山日觀尤岩堊匹練小視吳門潮開窗夜半見海日
置身絕頂卑雲霄何圖此日殊所睹忽訝扶桑蔽雲樹
巨浸黏天水氣高隔岸神洲不知數爭道蓬壺出日遲
祇緣身在壺中住

故云

蓬萊東北高麗日本之閒海水獨高日出正當其處較東南海上遲二刻

蘇公祠

在蓬萊閣東偏

五日登臨足古今雪泥鴻爪印深深高山流水求僊曲

玉宇瓊樓戀闕心
珪璧有靈通
蜃市文章無價貴
雞林可坵
世外悲遷謫
千載寥寥幾浪吟

坡公倅登州五日卽被召還

自題雙石圖

十年一作雙石詩
伯華爲我再圖之一石
昂藏米顛丈一石
蒼古留侯師不爲廟廊飾
觀美廉隅自具胚胎時
比者海上牽牛島
星精兩點縣蒼昊
南北隍城大小欽
四島名寸青尺碧
鬬娟好圖成柱杖登天橋
奇峯作對盤銀濤
歸來睨視袖中物
四壁秋聲聞夜潮

蟬

攀附喬柯了此生
餐風飲露博廉名
逢人慣作隨聲和
便占高枝得意鳴

葦

獨對寒燈唧唧吟不嫌雌伏具雄心爲誰代作衣裳嫁
組織秋風到夜深

雁

雪痕泥印兩茫茫海上空留字一行底事瞿瞿號不住
替人千里寄書忙

鴉

斜陽衰柳慣栖依嗟食江湖苦歲饑看盡一年鶯燕侶
滿天霜雪尙飛飛

螳蝦

斗膽當車抱負多豆棚瓜篠舞雙戈天生拳勇難徒手

兩臂縱橫有斧柯

蜥蜴

畫裏何來添足蛇
春宮夜靜食朱沙
早教毒癘消磨盡
不畏人間蠶尾加

絡緯

那有人閒嬾婦知
縑車軋軋不成絲
怪他歲歲鳴機杼
多在寒燈夜讀時

蝦蟇

黃梅雨後草塘西
怒腹蟠然鬧鼓鼙
兩部繁言徒聒耳
知時終讓五更雞

蝦蟇亦名田雞

新秋

小結蘆棚倚瓦溝。風來爲我一低頭。炎威已逐南薰去，好讓疏簾納早秋。

撤去罍恩月不知。五更涼露洗桐枝。饒他靜院明如水，又向南檐納日時。

煙臺別錢梅生

鄉關聚散憶垂髫。老大相逢向若遙。五斗腰肢君未折，十年髀肉我頻消。重尋噩夢曾浮海，勿替家聲是射潮。攜手之罍憑聘望，天風何處不扶搖。

滄桑一度鬢藍髭。桐葉秋聲墮十三。北直軍容橫鬪艦，南天雲樹隔浮嵐。新春猶釀叨鄉味，老屋寒燈極痛談。鄭重交情推手足，祇今康樂已懷慚。

天橋潮汐

水城北門

遼蓋迴潮闕海門北風未至氣先吞銀濤捲地山都慄
雪浪噴沙岸反奔隻櫂驚瀾跳黑子斷雲孤嶼失青痕
乾坤日夜供呼吸天地浮漚一例論

老北山田橫寨

山在蓬萊閣西北有寨在山頂可容數百人

斷磯淒咽怒潮聲五百英雄抵萬兵國祚已非身尙在
男兒無命志難成全軍誓死偏同日故壘擎天總不平
到此鯨波應戰慄飛嵐千尺挾風行

蓬萊秋色

倚天樓閣鎮狂瀾潑面驚濤涌巨觀風雨幾人雙蠟屐
乾坤無際一危欄百年士卒承平久千古英雄勇退難

有我登高題壁處阮孚先已篆柔翰

閣前石筍鼎立左右各三阮文達公

篆曰三台石

幾度滄桑問片楨千尋飛閣入雲拏叨陪鼇極三台石

直刺鮫宮一抹沙

閣東沙嘴曰直抹口

絕島無人泥印在故鄉何

處聞天賒好山有道蓬萊獨秋色湖光染鵲華

自題平捻紀聞三篇後

海曲重勞短後行曾磨盾墨憶東征秋風九月樓船影

舊夢三年鼓角聲老至獨於鉛槧富數奇空說玉壺清

承平漸覺書生貴爲道朝廷不用兵

避風亭

蓬萊閣西有亭北向獨無風

不避煙雲但避風短亭飛翼向晴空寰瀛四面多屏障

中有神僊兜率宮

澄碧軒

前太守長白
豫公山所建

風流太守笑顏開
羽客吹簫翦拂來
好補西山雲樹缺
碧天紅日麗層臺

僊人洞

丹崖山下

鍾乳千年滴澗松
洞雲深黑鎖魚龍
羣真度海盤靈迹
鑿破丹崖第一峯

平浪宮

天橋東北

萬里飛濤撲檻前
幾回平浪浪掀天
魚龍日夜來酣戰

門泊連營頭猛船

頭猛海船名

彈子渦

山下石子光潔
如彈以此得名

浪激風吹出日隅
搏沙餘點灑璠璣
蜂渦細嚼銀濤脆
散作瓊宮萬斛珠

鏡面石

通視久之照見百物在避風亭下

砥自平時鏡自清
海天圓月一輪明
神僊費盡磨甄力
照見龍宮羅剎城

丹崖山

亂石寒濤擁水關
北門扃鑰海雲環
蓬萊高閣田橫寨
忠義神僊共一山

牽牛島

閣外三十里

支機片石下神洲
河鼓星精逐浪浮
一樣靈槎逢漢使
君平殊未識牽牛

成山頭

蓬萊東三百里

扶桑春曉闌雲賒絕岸飛巒幸翠華天到盡頭還未盡
秦時橋石漢時楨

之采島

煙臺口外二十里

不愚疊翠對崆峒絕好靈山祀祖龍空使雲煙添俗累
到門先見大夫松

始皇築隄十八里自煙臺至島

登廟島

蓬萊山北六十里可泊船爲海道所必經

望長山玉石街帳

島中有街名玉石

輸轉東征始李唐備倭猶是集梯航登遼孔道橫千里
北望瀾滄思帝鄉

高山

島名

風雨黑山 大黑小潮南北隍城扈送遙多少峯黑島名

巒行海底一崢頭角便凌霄

天外雙峯擁髻鬟岱雲平挹翠微閒巖腰尙在龍湫下
出水差我是半山

登臺先乞鳳凰

島中
山名

靈環拱齊煙萬笏青十隊旌旂新

舴艋狂瀾一面障東溟

自煙臺乘飛雲輪船回登州

舵底俄聞鼎沸聲飛輪碾海怒濤平神龍燒尾雷霆動
巨蟒沖煙鱗甲鳴水火居然占旣濟石尤從此不留行
乘楂漢使應相妒袖手能輕萬里程

重九後一日風雪自登州營次告歸

落帽登高便著鞭忽經飛雪墮華顛亂山橫斷海尖路

大石高春澗底泉竟日歸程風捲地半年塵迹浪黏天
仔肩乍釋身如蛻信是蓬萊度劫僊

茶棚道上

登州西孔道
距城十八里

平岡如掌見孤城疊隘重關護大瀛磊石爲塍田有土
墾山成隴地無征文峯日色千巖暮沙隧風聲百峽鳴
纔出僊寰三十里崎嶇世路便難平

送萊州汪叔明司馬

昉

辭官歸舳陵二首

叔明以孝

廉久仕東省
工書畫善飲

來遊勝地十年遲老輩風流欲去時埽榻縱橫摩詰畫
還鄉強健放翁詩曾留岱嶽圖千本不盡湖亭酒一卮
報道先生餐飯王

同葦鱸餘興滿吟髭

度劫神僊鬢已摧玉壺名吏本詩才人情冷煖全身貴
世事蒼茫巨眼開可想歸裝無慧苴獨完芳躅在蓬萊
故園春色如堪贈快寄梅花十幅來

是歲夏秋從丁穉璜少保校伍蓬萊閣下臨去
贈統師李方伯 宗岱 言別

潮聲日夜撼鰲頭鵝鵲連營八月秋萊北健兒多狎浪
荔南丁羨半操舟 時留粵人三百
爲水師操舟 樓臺詩酒名流屐島

嶼風雲大將旂三百年前屯戍地備倭遺卒有人不

百戰神瀧靜不驚魚龍逼岸鼓笳鳴望洋敢信和戎策

防海難辭耀武名有數邊才懷古鎮如天聲教抵長城

論功此日推王濬親駕樓船度大瀛

時李方伯駕艇
船十四隻到登

鯨波無際望登遼橫海軍聲怒浪澆老北雲山迷古壘

老北山在蓬萊閣西
據城北形勢之勝
大東風雨會天橋金隄待築昆明

水
新城淤窄擬開
鐵鎖先沈碣石潮
新河口泊船
泊廟島
師船先
異代同情

賢少保
謂賊佛郎機弩擁飛撓
少保

登州懷家慈圃中丞公巡撫山東興復水師時

事有感

勁旅爭傳蚱蜢舟
廣艇亦號蚱蜢以
其形似蚱蜢也
老臣憂國豫邊籌

誰償萬里乘楂願敢蹈三年築室謀變告俄聞黥布反

時布興有忽降忽叛劫官
船并水弁王富興去未返
閒情偏逐石崇遊
公竟以此
得心疾引

退旋卒踵公後者
長白崇公恩也
白頭醉尉論遺事令我臨風一涕流

哭族叔璧軒公

黃金散盡隻身孤，焚券高風重帝都。末路誰能憐范叔，
當年猶幸識夷吾。綈袍環贈成綦局，車笠寒盟泣路隅。
回首門庭珠履滿，豈期垂老託明湖。公輕財仗義，居都下二十餘年，貧病交迫，歸卒於予所。

將之曲阜行次夏張

昨日行張夏，今朝又夏張。衝途通舊縣，東阿歧路認新莊。
秦曉露三更白，驚沙十里黃。卅年茅店月，猶是送人忙。

堂花

甲戌

日炙燕支煖，風吹羯鼓香。不時先富貴，易地忽炎涼。得
意春如火，因人熱滿腸。可憐好顏色，根本戒其傷。

盆柏

羞與盆花伍靈根抱石眠閉門誰種樹得地早參天寸
碧雲霄志長材磊砢年後雕存本性霜雪浩無邊

春暮書懷

湖鄉時節過清明弱柳腰肢絮雪輕敢爲催耕嫌老屨
卻因調舌愛新鶯名山作意爲風雨流水教人儘送迎
春日自遲雲自嬾滿庭槐蔭碧無情

閒情常付片鷗涼蘆葉青青杏子黃錯被湖山嘲熱客
空餘文字壓名場乘槎一碧橫東海宿草連年感北邙
同官蕭質齋丁筱農觀察范霽思司馬同年賈琴巖比
部畢星樓給諫吳蓉圃侍御及家璧軒李墨佃諸人去
年秋冬同社飲他鄉偏序齒忽驚玄鬢漸成霜
時逝世

題劉仲實太守澂潭網集圖

空江曉色喧人語
簪簪秋風拂清渚
一曲吳謳集釣划
短篷吹落楓林花
人閒何事苦擾攘
漁利獵名紛世網
爭似扁舟打浪行
風波潏面渾不驚
黃昏飽飯和衣睡
市上歸來連日醉
莫問明朝買酒資
船頭笑指雙鸕鷀

新秋

野塘新綠長芙蓉
屋角涼痕薄綺疏
庭院未秋聞蟋蟀
湖山不夜印蟾蜍
案頭時有將焚藁
林下尤多待著書
利戰名征成底事
好從人世見華胥

腳鞢手版儘徘徊
知是強臺是債臺
一瞬已將人老去
百年那有我閒來
麤官敢抱憂時策
世事終需濟變才

怪底紅塵迷海市
神僊今不住蓬萊

時東夷初
援海疆

送嘉禾令臧可園明府均之再仕浙中

諸城人

湖山塵夢十年寒
華鵲秋高續墜歡
患難幾人同壯歲
上考身名重重上
强臺勇退難大府
殷勤催五馬莫耽
松菊滯征輦

欣從京洛返鳴騶
暫試珂鄉衣錦遊

時方北鶴俸多情

紫葛藟

君多瞻族之舉

牛眠有兆奠松楸
在山泉水清猶昔
出

岫閒雲去復留
爭道明湖明月好
照人明似鑑湖不

津梁疲極宰官身
再仕由來不爲貧
度劫神僊偏耐俗
識時豪傑儘依人
名心我欲兼文字
世事今須問水濱
此別如何各努力
肯因垂白共霑巾

許卿徐七索閱補勤全彙見貽七古卽效其詩
意答之並示趙菁衫治中國華

四十日強尙不仕海隅避亂作詩史五十從政猶不官
吟詩草檄隨征輦讀書有志率未逮眼底滄桑連海岱
獨客窮愁體物工俯仰人寰籠百態可堪江國稻梁饑
野鶴無糧觸網飛登場傀儡徒識字俗吏能文世所譏
彈冠時或形歌頌懷刺那復容歔歛誰令冠蓋論風雅
未必曲高偏和寡葉公篆者如有龍伯樂閑中可無馬
問渠著書胡爲不林下倚天長劍下燕臺前有連城完
壁才後有縣榻徐孺子鵬鵬跋浪滄溟開唾欬紅塵中
觸手成瓊瑗詞源汨汨天河來恤然下問窺全豹夜半

秋聲噓萬竅花底風梭苦鳥鳴草頭霜壓憐蟲叫開編

一讀見其人倚妝紅袖燈前笑

詩則有詩偶

明朝判牘應衙

參倦目頻揩睡未甜嗜古詩痴癖醉心疑酒酣風塵巨
眼不多得一夕勝與千人看摘詞獎借來優溢敢負知
音堅什襲勞勞回首苦吟宵鬢絲添著千莖雪袖裏江
淮鼙鼓聲

菁衫舊贈詩句

十行眉墨今猶溼

再贈菁衫

匡時事業竟何如硯穀躬耕亦遂初

菁衫辭樂安縣令改職治中館山東

節拔幟究應還立幟尋驢何必定騎驢便依朝籍猶孤

隱耒老名山先著書十畝明湖秋水足故鄉無此好蓴

鱸

面目難教熱客逢獨於文字不疏慵名經驟勒縣崖馬
世網驚逃破壁龍汗漫遊從今日始江湖情比古人濃
朝衫一脫科名貴琴鶴都成物外蹤

急流何意退韶年白首吳趨一惘然名士生涯存敝帚
好官歸計問寒氈野雲青到孤生竹止水香聞自在蓮
我亦投簪慚日暮移文羞勒北山篇

索句懷人墨未乾忽傳佳什贈琅玕時青衫正以詩來傾時雅
望推徐孺謂徐詩卿太守不世清才式幼安謂管敬伯司馬扶病伊吾

因見獵賞心酬答勝彈冠青鞋布襪期相過爲道天涯
臭味難

得馮筱雲司馬自粵寄詩隔歲賦答卻寄

禪林一葉夢蘊蘊

乙丑丙寅間公寓吳門寄葉菴

尊酒重論願久虛天

末故人猶健飯山中詩老忽貽書傳家難得多良吏

公嗣

子皆居顯宦

退食何期有敝廬宦海風帆登彼岸神僊宜傍

大瀛居

舊遊強半欲華顛揮手天涯各惘然下馬一官隨露布

同袍幾輩著先鞭出山泉水清如昔驀地風雲熱可憐

萬里慰懷無別事漁洋秋柳茗湖船

仰見黃河入海流俯看蒼岱寸雲浮千人旗鼓蓬萊閣

十度琴尊太白樓酒債似塵愁不埽宦情如客去還留

九峯

公置九石於室

苔印同岑契猶記圖中片石不

謂自作雙石圖

重九後三日偕錢笠湖登千佛山有作

吁嗟噫噉乎昔日之遊鞬刀而短後今日蟹黃菊白同
搔首一樣男兒好身手渴虎酌天泉黃河爲之吼風流
人物古今淘太倉一粟吾何有胡爲乎甯爲牛後不雞
口操觚浪逐屠沽走下馬投戈換一官折腰爭似湖亭
柳桐葉數偏奇蓮花生不藕才豐遇晉自天心樽瓠五
石塵三斗將毋人事慣滄桑眼底浮雲又蒼狗下與濁
世溷秕糠埽除不用千金帚不然天生此才良亦難鉅
艱將以觀所受何使百年輪鐵磨行尻一瞬垂楊侵右
肘與君躡屩凡幾年大河南北烽塵陡書生殺賊時有
詩雲山盡入奚囊負勞身汗馬書汗牛短檠長缺心肝
歐同嘔况復吾家故會稽千巖寒翠刊岫屢落帽名山數

故鄉題餽老輩推諸舅

乙丑九秋曾與君舅氏宗滌甫先生登太白樓謁闕里同返山

陰我今衰白君青春勝地相逢天不苟俗更能文命可

憎苦吟耐老魔爭守閉門自著等身書解人漸索忘年

友

菁衫許卿立吾皆幼予二十年

安得青鞋布襪來年年左手持螯右

點酒落葉打頭天雨霜松篁夾道扶吟安圖巖龍象咄

咄嗤遊人千佛山頭作重九摩壁題名某某某

重九歸自千佛山得青草堂主人

菁衫

贈詩賦答

長句

西風怒詈寒葢號脆碧亂墮梧桐梢流水半庭潑涼月
閉門索句當清宵故人不幸率厚祿苦吟戒勿勤推敲
安得佳章互相餉案頭十日清塵囂是時人間正重九

傾城冠蓋觴登高蟹螯自黃菊自白心知此會非題餽
叩關何意來詩筒頓令磊塊胸中澆險語突出破鬼膽
寒鉅倒射剽潛蛟鵲唳雁叫一時作風泉裊指淒檀槽
此才羈勒偶然耳脫繯吐極無聯鑣長槍大戟塵楮墨
亂頭麤服頽金貂故鄉北望醫巫閭况登喬嶽卑二勞
我亦身輕偏有官先糜右袂髭千毫壯心未已獨何在
老託文字鳴鉛刀支筇一覽叩我佛幾人來此先折腰
華鵲兩峯如覆金湖亭煙柳環堂坳黃河北注挾清濟
淘盡人物存吾曹樓頭一去百黃鶴攀援蘿壁餘猿獐
神僊那得不市隱才豐命嗇導訕嘲樽瓠五石量渴塵
願易僧舍寒泉瓢痛談抵此淚百感汗走木魅噤山魃

圖巖龍象悄欲下蒼然暮色沈邛郊俯視下界疑無人
但見雲中一鶚投晴皋

重九登高贈趙菁衫交稍韻長句一時屬和既
成帙矣訐卿請書之橫幅疊韻再得一首

牆頭月落城烏號秋在明湖楊柳梢登山興盡退扃戶
清樽嘉客宜良宵詩卷尙餘酒痕溼棊聲靜對燈花敲
呼童早起學種菜敝居近市塵不囂下有黥地菊花泥
上有百尺梧桐高新篇絡繹如風雨畫中紅樹詩中鱗
江淹老矣才苦涖廢井忽得名泉澆燕趙悲歌故奇士
手持寸鐵屠龍蛟一官一集意已足十年牛驥辭同槽
趙菁衫射潮華裔亦健者名場赤手揚雙鐮阿士文章肖

其舅典衣沽酒輸金貂

錢立吾爲吾鄉宗濂樓先生甥

吾宗三十猶經

生掉頭入幕躬塵勞有時得句壓老阮高談驚座揮霜

毫

家石芳姪

就中徐陵善宮體黑頭作守懷牛刀驚才絕豔

藥寒儉要騎鶴背傾纏腰

徐訐卿

曠古斯文聚所好林泉

翰墨抵螭坳濟南名士多驂騑直欲一顧空其曹天涯

臭味吁亦僅嗟彼捷徑填猿狖儻執途人事酬唱徒苦

熱客騰訕嘲高材睥睨滿天下吹竽不濫今詩瓢曲不

陽春和已寡况搜禹鼎圖夔魑寫作他年聚散痕一朝

冠蓋臨霜郊乾坤清氣得來難人在湖山鶴在皋

李山農同年以十月上澣補作重九餐英會肇

鱸魚和菊生啖之蓋嶺南食品也

九月刈詩糧菊圃秋成聞晚香十月負詩債重陽吟興
催租敗蟹螯肉滿盧橘黃埽徑開筵觴菊觴西風亂脫
黃金甲堆作晶盤一捧霜酸鹹五味調紅紫裊裊芳痕
流十指摘到尊前露未乾香沁心脾冷膠齒一尺鱸魚
出水新并刀片割雪花鯉主人今日不火食四坐大嚼
生銀鱗停燈更進雙弓米屑魚爲糜菊爲齋醅醕灌頂
冰玉融銅瓶煖酒千杯抵同是延年不謝花漂流茵溷
逐千家耐人咀味賴有此勝似不食縣匏瓜年年爛嚼
梅花雪未必心肝眞鐵石滿腹東籬處士魂一朝洗我
詩腸熱嶺南風味輒如斯煙火神僊半不知問君何日
喫蜜唧

嶺南人以蜜飼鼠胎使行筵上用箸夾取齏之作唧唧聲故名便啖三百鮮荔

枝

北風

北風吹斷三更雨瓦縫雪珠細如鉅墮檐雛鴿寒不飛
守戶童盧臥猶乳去年今日東海頭拍岸驚瀾麾白羽
流光逝矣鬚髮存鏡裏頭顱忽如許

醫巫閭鎮興京望滄江白水青天上盡頭天地自東來

燒尾魚龍爭北向

北上火輪船皆出蓬萊閣下

美人遲暮良可哀古

書一讀一神王閉門自錄蓬萊吟紙背低昂作寒浪

懷辛未八月濟甯舊遊寄家秉初觀察

顧彝並

呈王幼石州牧

錫麟

驚坐高材海右傳名場鏖戰著先鞭分符大郡懷如錦

草檄降城筆似椽萬石家聲騰後起

詰嗣伯平官二千石

五湖歸

計趁強年門前朱履樽中酒肝膽逢人熱可憐

世事闊懷物外身季常精悍色猶新霜天雕鶚宜高舉

瀚海龍蛇能屈伸畢竟太邱還長者可知吾族有傳人

好施

公家世行善事敦鄉贈族之舉至今不倦

食報孫枝發

家孫冠臣登京兆梅

繞徑

芝蘭秀大椿

蒼茫舊雨幾閒鷗卻憶明湖井轄投水部有人千里至

倉小坪官

蓮亭遲我十年遊秋風重下留徐榻夜月頻

臨訪戴舟

幼石

天上酒星誰作主四明狂客仲宣樓

酒樓

餞白者任城令賀蘭氏今以知章當之時幼石約登酒樓故云

補勤詩存卷之二十一